

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK
SLUŽBA CIVILNE ZAŠTITE



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYOR
CIVIL AFFAIR DEPARTMENT

Broj: 14-40-229/20-56-2
Ilidža, 26.05.2020.god.

7704
01
Material za 36 rodova 9?
26-05-2020
Službeni

OPĆINA ILIDŽA

Općinsko vijeće

PREDMET: Dostava informacije,

U skladu sa aktom Općinskog vijeća broj: 01-interno/20-25 od 14.05.2020.god., a vezano za dostavu Informacije o aktivnostima, provedenim mjerama, te prijedlogom mjera Službe za civilnu zaštitu Općine Ilidža

S poštovanjem,

Prilog:
Informacija

DOSTAVLJENO:

1x Naslovu
1 x a/a



Pomoćnik Općinskog načelnika
Služba civilne zaštite

Boras Mira, prof.odb.i sig.



Butmirska cesta br. 12. Sarajevo, BiH, tel/fax. +387 33 637-229, centrala 775-600
www.opcinailidza.ba, E-mail: civilna.zastita@opcinailidza.ba



10-11-12





Broj: 14-40-229/20-56
Ilidža, 26.05.2020. godine

OPĆINSKI NAČELNIK
ILIDŽA

PREDMET: Zahtjev za davanje saglasnosti.-


U prilogu Vam dostavljamo „Informaciju o aktivnostima Štaba civilne zaštite općine Ilidža tokom pandemije uzrokovane koronavirusom (period 25.02. – 15.05.2020. godine)“, koju je usvojio OŠCZ na V vanrednoj sjednici održanoj 19.05.2020. godine.

Molimo Vas da date saglasnost kako bi istu dostavili za sljedeću sjednicu Općinskog Vijeća Ilidža.


S poštovanjem,

PRILOG: kao u tekstu

Dostavljeno:
- Naslovu
- a/a



Pomoćnik općinskog načelnika
Služba civilne zaštite


Boras Mira prof. odbr. i sig.



INFORMACIJA

**O AKTIVNOSTIMA ŠTABA CIVILNE ZAŠTITE OPĆINE ILIDŽA
TOKOM PANDEMIJE UZROKOVANE KORONAVIRUSOM
(PERIOD 25.02. – 15.05.2020. GODINE)**

PREDLAGAČ:

Općinski načelnik

Ilidža, maj 2020. godine

NOSILAC IZRADE

Služba civilne zaštite



INFORMACIJA

O AKTIVNOSTIMA ŠTABA CIVILNE ZAŠTITE OPĆINE ILIDŽA TOKOM PANDEMIJE UZROKOVANE KORONAVIRUSOM (PERIOD 25.02. – 15.05.2020. GODINE)

Nakon što je Vlada Federacije BiH dana 17.03.2020. godine donijela Odluku o proglašenju stanja nesreće uzrokovane koronavirusom (COVID-19), Općinski Štab civilne zaštite Ilidža je preduzeo određene preventivne mjere i aktivnosti radi sprječavanja širenja pandemije.

Održane su ukupno 4 vanredne sjednice Štaba CZ općine Ilidža, na kojima su doneseni određeni zaključci, kojima je preciziran način djelovanja Štaba, angažovanje Službi zaštite i spašavanja, nabavka lične i zaštitne opreme, te dezinfekcionih sredstava.

Prva vanredna sjednica Općinskog štaba civilne zaštite Ilidža održana je 18.03.2020. godine na kojoj su doneseni sljedeći zaključci:

1. Izvršiti hitnu nabavku lične i zaštitne opreme i dezinfekcionih sredstava za potrebe Doma zdravlja Ilidža i općine Ilidža;
2. Služba za zajedničke poslove da izvrši vanrednu dezinfekciju u objektima: zgrada općine Ilidža, Dom zdravlja Ilidža, područnih ambulanti, MZ i V Policijske uprave Ilidža;
3. Da Služba zaštite i spašavanja za čistoću i asanaciju terena, formiranu u JP „Ilidža“ izvrši vanjsku dezinfekciju prostora oko zgrade Općine Ilidža, Doma zdravlja, škola, ambulanti, igrališta, Male aleje, terminal i vjerskih objekata;
4. Do 20.03.2020. godine rukovodioci Službi da dostave prijedloge sa kojim kapacitetom ljudstva bi se mogao organizovati nesmetan rad općinskog organa;
5. Volontere osloboditi dolaska na radna mjesta, ali u slučaju potrebe za njihovim angažovanjem isti po pozivu treba odmah da se jave na posao;
6. Javne nabavke raditi u saradnji sa Službom za JN;
7. Uposlenici na recepciji trebaju obavezno upozoravati stranke na dezinfekciju ruku pri ulasku u Općinu Ilidža i kontrolisati broj osoba koji mogu ući u jednom navratu;
8. Nadležni organi odmah da pristupe vraćanju migranata sa javnih površina u Centre u kojim borave.

Općina Ilidža je izvršila reorganizaciju rada, poštujući Naredbe Federalnog štaba CZ. Tako je osiguran protok stranaka na način da se omogući potrebna socijalna distanca od najmanje 1,5 metara između osoba uz poštivanje ostalih higijensko-epidemioloških mjera. U šalter salu mogu ulaziti samo po četiri stranke. Uspostavljen je sistem ovjere punomoći za osobe starije od 65 godina (penzije i sl.). Radno vrijeme je organizovano u vremenu od 09:00 do 14:00 sati u skladu sa Naredbom Štaba CZ Kantona Sarajevo. Na ključna mjesta u zgradi općine postavljene su posude sa dezinfekcionim sredstvima. Na dva dežurna telefonska broja u operativnom centru CZ koja su dostupna od 00:00 do 24:00 sata primali su se zahtjevi građana za pomoć u hrani, nabavci i dostavi lijekova, hrane i dr.

Dana 19.03.2020. godine angažovana je Služba zaštite i spašavanja za čistoću i asanaciju terena, formirana u JP "Ilidža", na vanjskoj dezinfekciji terena (prostor oko zgrade općine, Doma zdravlja, V policijske uprave Ilidža, škola, ambulanti, igrališta, Terminal, oko vjerskih objekata itd.)

Od strane firme IDS Zdrava sredina Izvršena je vanredna dezinfekcija zgrade općine Ilidža, Doma zdravlja, V Policijske uprave Ilidža, prostorija MZ i ambulanti porodične medicine na teritoriji općine Ilidža.

Vršena je nabavka i raspodjela lične i zaštitne opreme i dezinfekcionih sredstava za potrebe Doma zdravlja Ilidža i uposlenika općine Ilidža.

Druga vanredna sjednica Općinskog štaba civilne zaštite Ilidža održana je 25.03.2020. godine na kojoj su doneseni sljedeći zaključci:

1. Angažovati Službu zaštite i spašavanja sa visina i nepristupačnih terena formiranu u Udruženju gorska služba spašavanja i streljački klub Ilidža, Službu zaštite i spašavanja od požara formiranu u VD „Ilidža“ Ilidža, Službu zaštite i spašavanja za čistoću i asanaciju terena formiranu u JP „Ilidža“, radi ponovne dezinfekcije javnih objekata i vanjskih površina;
2. Obezbjedi se prostor u zgradi MZ Stupsko brdo, prostor iznad mjesne zajednice za izolaciju ljudi koji krše kućnu samoizolaciju;
3. Postupiti po preporukama epidemiologa Dr. Enesa Šaćića i izvršiti nabavku potrebnog sanitetskog materijala najophodnijeg za borbu protiv nastale pandemije;
4. Angažovati savjete MZ na području općine Ilidža radi pružanja svakog vida pomoći ugroženim građanima općine Ilidža;
5. Obezbijediti dva kontejnera za trijažu ispred Doma zdravlja Ilidža;
6. Tražiti od Doma zdravlja Ilidža da dostave podatke o trenutnom stanju osoblja u Domu zdravlja, koliko ih je u izolaciji i koje su im osnovne potrebe za ljudstvom.

Angažovane su 3 Službe zaštite i spašavanja i to:

- Služba zaštite i spašavanja sa visina i nepristupačnih terena formirana u Udruženju gorska služba spašavanja i streljački klub Ilidža;
- Služba zaštite i spašavanja od požara formirana u VD „Ilidža“ Ilidža;
- Služba zaštite i spašavanja za čistoću i asanaciju terena formirana u JP „Ilidža“;
- Angažovana su i 2 pripadnika Higijensko-epidemiološke službe JU DZKS (HES) kao stručna pomoć.

Gore navedene Službe su u saradnji sa HES- om u više navrata bile angažovane na dezinfekciji objekata Doma zdravlja, V Policijske uprave Ilidža, BH pošte Ilidža, MZ, ambulanti porodične medicine, vjerskih objekata, Tunela spasa u Donjem Kotorcu, Terminala, javnih površina oko pomenutih objekata, svih ulica i pješačkih staza na području općine Ilidža, parkova, igrališta, parkinga itd. Izvršena je detaljna dezinfekcija KSC "Sabit Hadžić" u slučaju potrebe otvaranja izolatorija.

Vršena je nabavka lične i zaštitne opreme i dezinfekcionih sredstava kojima su opremane i snabdijevane Službe zaštite i spašavanja.

Uspostavljen je sistem pomoći građanima putem MZ-a (sekretari, savjeti MZ-a i volonteri Crvenog križa).

Vršena je podjela paketa sa prehrambenim artiklima za socijalno ugrožene porodice.

Primljeno je ukupno 1.679 zahtjeva za dodjelu paketa sa hranom.

Izvršena je podjela paketa za ukupno 1.141 porodicu i podjela sjemenskog krompira za 486 domaćinstava.

Sva distribucija pomoći na adrese je vršena općinskim vozilima putem Službe za zajedničke poslove

Obezbjeden je prostor za smještaj lica koja krše mjere izolacije. Prostor se nalazi na spratu Doma kulture Stupsko brdo u ulici Kasima Begića br. 111. Prostor je površine 110 m², kapaciteta 30 kreveta. Posjeduje grijanje i ima mokri čvor.

Obezbijedena su dva kontejnera za trijažu koja su postavljena ispred Doma zdravlja Ilidža.

Treća vanredna sjednica Općinskog štaba civilne zaštite Ilidža održana je 30.03.2020. godine na kojoj su doneseni sljedeći zaključci:

1. Zaključno sa danom 29.03.2020. godine staviti van snage Naredbu o angažovanju Službu zaštite i spašavanja sa visina i nepristupačnih terena formiranu u Udruženju gorska služba spašavanja i streljački klub Ilidža, Službu zaštite i spašavanja od požara formiranu u VD „Ilidža“ Ilidža, Službu zaštite i spašavanja za čistoću i asanaciju terena formiranu u JP „Ilidža“, koje su bile angažovane radi ponovne dezinfekcije javnih objekata i vanjskih površina;
2. U slučaju pojave oboljevanja od koronavirusa, angažovati Službu zaštite i spašavanja sa visina i nepristupačnih terena, formiranu u Udruženju gorska služba spašavanja i streljački klub Ilidža, sa tačno utvrđenim brojem ljudi, radi dekontaminacije objekata i vanjskih površina;
3. Zahtijevati od Epidemiološke službe KS dostavljanje adresa i lokacija gdje je došlo do pojave oboljelih od koronavirusa, kako bi se izvršila dekontaminacija;
4. Pratiti sve aktivnosti i objavljivati na web stranici općine Ilidža i facebook stranicama MZ-a (Naredbe Federalnog i Kantonalnog štaba CZ, aktivnosti Službi ZiS, Štaba CZ i sl.);
5. Izvršiti nabavku dezinfekcionih sredstava: izosan, sredstva za dezinfekciju ruku i sl.);
6. Izvršiti nabavku zaštitne opreme za Službe zaštite i spašavanja koje vrše dezinfekciju i dekontaminaciju objekata i javnih površina (respiratorne maske, zaštitne rukavice, PVC zaštitna odijela, zaštitne naočale);
7. Izvršiti nabavku 400 paketa sa prehrambenim proizvodima;
8. Izvršiti nabavku 5 000 zaštitnih rukavica i 5 000 zaštitnih maski;
9. U saradnji sa V PU Ilidža, riješiti pitanje kretanja osoba starijih od 65 godina, koji će u narednom periodu biti angažovani na sjetvi poljoprivrednih proizvoda;
10. Svaka Služba u jedinstvenom organu općine Ilidža, dužna je obezbijediti 2 uposlenika koji će biti angažovani u Službi civilne zaštite i Službi za koordinaciju rada MZ-a u slučaju da neki od uposlenika ove dvije službe mora ići u samoizolaciju i izolaciju;
11. Obezbijediti novčana sredstva za pomoć Crvenom križu i Merhametu radi povećanja broja toplih obroka za osobe koje su u statusu socijalne potrebe, bolesne i stare;
12. Zabranjuje se davanje izjava za medije svim Službama zaštite i spašavanja i drugim osobama, jer je to isključivo u nadležnosti Službe za informisanje.

U kontaktu sa HES i dostavljanjem adresa na kojima borave oboljele osobe, Služba zaštite i spašavanja sa visina i nepristupačnih terena formirana u Udruženju gorska služba spašavanja i streljački klub Ilidža je sa tačno utvrđenim brojem ljudi, vršila dezinfekciju i dekontaminaciju objekata u kojima je došlo do pojave koronavirusa (oboljeli od koronavirusa, smrtni slučaj uzrokovan infekcijom koronavirusa), kao i vanjskih površina oko tih objekata, na sljedećim lokacijama:

- Suvada Đulimana br. 20;
- Osik;
- Hendekuša na dvije lokacije;
- Ismeta Alajbegovića Šerbe br. 81;
- Gazi Hasan Paše bb;
- Vreoca br. 60 i 74;
- Ramiza Jašara br. 13;
- Barska br. 19.

Gore navedenoj službi dato je na korištenje jedno vozilo marke LADA NIVA za potrebe prevoza ljudstva i opreme za period od 25.03. do 04.05.2020. godine.

Od strane firme IDS Zdrava sredina po drugi put je izvršena vanredna dezinfekcija zgrade općine Ilidža, Doma zdravlja, V Policijske uprave Ilidža, prostorija MZ i ambulanti porodične medicine na teritoriji općine Ilidža.

Služba zaštite i spašavanja za čistoću i asanaciju terena, formirana u JP „Ilidža“, je izvršila čišćenje, pranje i dezinfekciju javnih površina oko kompleksa „TIBRA“, naselje na Stupu, gdje je bila evidentirana osoba pozitivna na COVID-19.

Vršena je dostava lijekova po pozivima građana na kućnu adresu, ukupno 9 dostava. Vršeno je i ovjeravanje potvrda u Centru za socijalni rad, nakon čega je izvršeno podizanje pomagala za urogenitalni sistem i dostavljanje na kućnu adresu, ukupno 2 dostave.

Civilna zaštita je uručila 1900 pamučnih maski bankama i poštama.

Maske su dijeljene penzionerima na ulaze u banke i pošte, gdje se vršila isplata penzija.

400 zaštitnih maski je podijeljeno građanima prilikom podjele prehrambenih paketa.

Dana 18.04.2020. godine koordiniran je smještaj jednog lica u izolaciju. Pomenutom se po rješenju Kantonalne inspekcije zabranjuje kretanje i određuje mjera zabrane napuštanja objekta odnosno prostora u kojem boravi zbog sumnje da boluje od koronavirusa.

Na WEB stranici općine Ilidža objavljene su sve Naredbe Federalnog i Kantonalnog štaba CZ, kao i aktivnosti Štaba CZ Ilidža i Službi zaštite i spašavanja angažovanih na provođenju preventivnih mjera radi sprječavanja širenja pandemije uzrokovane koronavirusom.

KJKP "RAD" Sarajevo, angažovan od strane Štaba civilne zaštite Kantona Sarajevo, je takođe vršio dezinfekciju objekata Doma zdravlja Ilidža, Domova za starija lica, Migracionog centra u Blažuju, kao i ulica i kontejnera na području općine Ilidža, a sve prema "Vanredno operativnom planu pranja i dezinfekcije javno-prometnih površina na području Kantona Sarajevo".

Četvrta vanredna sjednica Općinskog štaba civilne zaštite Ilidža održana je 21.04.2020. godine na kojoj su doneseni sljedeći zaključci:

1. Nastaviti sa evidentiranjem poziva građana za pomoć u vidu paketa prehrambenih proizvoda, a da spiskove provjeravaju savjeti MZ sa područja općine Ilidža;
2. Sa stavke saniranje šteta – hitne mjere prebaciti sredstva u iznosu od 10.000,00 KM na račun Udruženje građana „Crveni križ“ Ilidža za nabavku 270 komada prehrambenih paketa;

Štab civilne zaštite općine Ilidža redovno prati Naredbe Federalnog i Kantonalnog Štaba civilne zaštite i primjenjuje ih u potpunosti.

Redovno se dostavljaju izvještaji Kantonalnoj upravi CZ o provođenju preventivnih mjera na sprječavanju širenja pandemije uzrokovane koronavirusom na području općine Ilidža, te podaci za dežurnu osobu u Štabu CZ Ilidža.

Provođenjem preventivnih mjera radi sprječavanja širenja pandemije uzrokovane koronavirusom na području općine Ilidža, izbjegnuto je nagli skok odnosno eksponencijalni rast broja zaraženih, te je u mnogome izbjegnuta katastrofa.

Prema posljednim podacima Zavoda za javno zdravstvo Kantona Sarajevo, na području općine Ilidža je bilo ukupno 14 zaraženih lica koronavirusom, od toga se njih 11 oporavilo, dvije osobe su preminule od posljedica zaraze koronavirusom, dok je 1 osoba i dalje pozitivna na koronavirus.

Donacije od privrednih subjekata i humanitarnih organizacija

R/B	NAZIV FIRME	VRSTA DONACIJE
1.	HECO	1 tona krompira za jelo
2.	AGRO MARKET "Murta"	100 zaštitnih maski
3.	ZOND	1.000 pamučnih maski i 20 hirurških mantila
4.	SINKRO	760 pamučnih maski
5.	BIOS i ADO TRANS	1 tunel za dezinfekciju
6.	LAMPER	100 zaštitnih vezira
7.	PVB SARAJEVO	2.000 zaštitnih maski
8.	"BOSMAN" d.o.o.	2 kontejnera za trijažu
9.	"HOŠE COMERC" d.o.o.	60 prehrambenih paketa
10.	Rezidencija države Azerbeidžan	20 prehrambenih paketa
11.	Caritas Švicarska	Pomoć za 94 Romske porodice u vrijednosti 21.600,00 KM u vaučerima za tri mjeseca (kupovina prehrambenih i higijenskih artikala)
12.	Humanitarna organizacija Katar - Alkahira	50 prehrambenih paketa
13.	Hilfswerg Austrija International	24 prehrambena paketa
Ukupna vrijednost donacija iznosi cca 41.000,00 KM		

U prilogu tabelarni prikaz javnih nabavki uz napomenu da na tržištu nije bila dovoljna količina traženih sredstava, te se moralo reagovati istog momenta sa ponuđenim količinama što je dovelo do nabavke istih sredstava iz nekoliko puta i sa različitim dobavljačima.

Izvršena je nabavka sljedeće zaštitne opreme i dezinfekcionih sredstava:

Red. br.	Broj i datum JN	Oprema i zašt.sredstva	Dobavljač	Vrijednost u KM
1.	JN 14-11-1487/20 19.03.2020.god.	Zaštitne naočale i jed.skafanderi za Dom zdr. Ilidža i strukture CZ	„Rimos“ d.o.o. Ilidža	1.151,94 KM
2.	JN 14-11-1494/20 20.03.2020.god.	Zaštitne naočale za strukture CZ	„Rimos“ d.o.o. Ilidža	241,11 KM
3.	JN 14-11-1495/20 20.03.2020.god.	Zaštitna oprema za uposlenike Opć., Doma zdr., V PU Ilidža (rolne za lež., rukavice, hir.kape, hir.kaljače, hir.mantili i dr.)	„ENA“ d.o.o. Sarajevo	5.291,91 KM
4.	JN 14-11-1496/20 20.03.2020.god.	Vanredna dezinfekcija i dezinfekcija Opć.pros., MZ-a, Dom zdr.sa ambulantom, V PU Ili.	IDS-ZDRAVA SREDINA	3.672,44 KM
5.	JN 14-11-1551/20 27.03.2020.god.	Zaš.oprem.i dezinf.sreds.za strukture CZ (radni komb., prskalice, čizme, Izosan-za javne povr.)	Agromarket „Murta“ Ilidža	9.528,00 KM
6.	JN 14-11-1509/20 23.03.2020.god.	Jednokratne rukavice	„Hoše Komerc“d.o.o. Ilidža	60,00 KM
7.	JN 14-11-1544/20 26.03.2020.god.	Dezinf.sredstva za površine	„Sarajevska pivara“dd Sarajevo	5.850,00 KM
8.	JN 14-11-1563/20 30.03.2020.god.	Zaštitne maske jednokratne	„Willona“dd Sarajevo	6.435,00 KM
9.	JN 14-11-1574/20 31.03.2020.god.	Elektr. i ledne prskalice za strukture CZ	OBS d.o.o. Ilidža	533,00 KM
10.	JN 14-11-1596/20 02.04.2020.god.	Pranje uniformi uposlenika Doma zdravlja Ilidža	„Ekstra blic“ OR Sarajevo	458,96 KM
11.	JN 14-11-1661/20 09.04.2020.god.	Zaš.oprem.i dezinf.sreds.za strukture CZ (jedn. komb., viziri rukavice, dez.sred za kožu, Izosan- za javne povr.)	Agromarket „Murta“ Ilidža	17.847,60 KM
12.	JN 14-11-1682/20 14.04.2020.god.	Dezinfekciona sredstva	„Bosnalijek“dd Sarajevo	3.543,23 KM
13.	JN 14-11-1764/20 22.04.2020.god.	Pranje zašt.odijela za uposlenika Doma zdravlja Ilidža	„Ekstra blic“ OR Sarajevo	357,44 KM
14.	Odluka OŠCZ za dodjelu sredstava Crvenom križu	Nabavka 270 preh. paketa za socijalno ugrožene preko 65.god.		10.000,00 KM
15.	Isplata strukt. CZ za vrijeme rada na terenu (dez. objek. i površ.) dnevnice sa porezom			32.792,41 KM
		UKUPNO:		97.763,04 KM

NAPOMENA:

Nakon pojave koronavirusa u svijetu i njegovog širenja prema našoj zemlji Općinski štab CZ Ilidža je u suradnji sa Domom zdravlja Ilidža, poduzeo preventivne mjere u smislu zaštite svojih uposlenika i rada sa strankama i pacijentima.

Služba zaštite i spašavanja prve pomoći, formirana u OJ Dom zdravlja Ilidža uputila je zahtjev za pomoć u vidu nabavke zaštitne opreme, sanitetskog materijala i dezinfekcionih sredstava, nakon čega se pristupilo hitnoj nabavci po traženoj specifikaciji. S tim u vezi provedene su dvije nabavke sa ograničenim količinama (kako je navedeno u tabeli), jer je već bio nedostatak robe na tržištu.

Red. br.	Broj i datum JN	Oprema i zašt.sredstva	Dobavljač	Vrijednost u KM
1.	DS 14-11-1185/20 27.02.2020.god.	Sanitetska i zaštitna oprema za Sl.zaštit.i spaš.za prvu pomoć u OJ Dom zdr. Ilidža	PZU Apoteka „Al-Hana“ Sarajevo	3.148,00 KM
2.	DS 14-11-1187/20 28.02.2020.god.	Dezinfekciona sredstva za Sl.zaštit.i spaš.za prvu pomoć u OJ Dom zdr. Ilidža	„Bosnalijek“dd Sarajevo	4.159,88 KM
	UKUPNO:			7.307,88 KM